



Universitätsbibliothek Paderborn

Qvæstiones Morales Selectiores De Lege Interna Et Externa

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

De Lege Externa

Beati, Gabriele

Augustæ Vindelicorum, 1729

VD18 80376800

8 An lex ciuilis obliget personas Ecclesiasticas.

urn:nbn:de:hbz:466:1-39888

damnationem; ideoque requiritur aliquis actus iudicialis, qui in aliena Diœcesi exerceri non potest. At Excommunication & suspensio, cum incurvantur, ipso facto nullum requirunt actum iudiciale, ideoque incurri possunt etiam in alieno territorio.

22. Ad quintam negatur Antecedens. Ex dictis enim constat, Episcopum Subditis extra Diœcesim existentibus præcipere vel prohibere posse; primò, Actiones omnes, quæ vel physicæ vel moraliter exerceri debent in territorio, & has per statutum. Secundò: per sententiam vel præceptum personale actiones omnes, quæ loco non sunt addictæ, & esse possunt utiles ad bonam gubernationem, vel Diœcesis, vel ipsius. Tertiò denique, quando adiungit idem fines, etiam actiones, quæ saltem physicè exerceri non possunt nisi extra Diœcesim, ut dictum est.

COROLLARIA.

23. C Olligitur ex dictis primò; Decretum, quo Episcopus Clericis suæ

Diœcesis sub pœna excommunicationis prohibet, ne sclopum aut alia arma gestent; & ne ueste breui vrantur, regulariter illos extra Diœcesim non obligare, quia censetur ferri per modum statuti, cum feratur per modum alicuius constitutionis perpetuò duratur, eo quod Episcopus censeatur voluisse, se in tali edito iuri communī canonum conformare, & accommodate; & canones perpetuò durent, & vim habeant legis; ac statuti vniuersalis.

Secundò: Decretum, quo Episcopus pœnam excommunicationis imponit iis, qui furtum commiserunt, nisi intra certum tempus restituerint, ex hoc etiam capite ligare existentes in alieno territorio, quia decretum sive præceptum est personale; idemque dicendum est de præcepto sub pœna censuræ obligante, ad debita in territorio contracta soluenda; hoc enim etiam ligat debitores omnes existentes non solum in territorio, sed etiam extra illud, quia est præceptum personale. *Suar. sec. §. num. 5.*

Q V A E S T I O VIII.

An Lex Civilis obliget Personas Ecclesiasticas.

C A S V S.

1. C Vm in cuiusdam Principis territorio circa tempus messis propter nimiam siccitatem magna tritici penuria timeretur; & ob id triticum longè carius venderetur, quam pauperum conditio ferre posset; Princeps solemini edito præcepit, ne tritici modios ultra decem aureos venderetur, sub pœna amissionis ipsius tritici, aliisque pœnis iudicis arbitrio infligendis. Quidam autem Clericus pretii taxà non seruatà triginta tritici

tritici modios vendidit, aureis quindecim singulos. Legis transgressio-
ne comperta, Principis Ministri Clerico triticum confiscarunt. Quæ-
ritur; Vtrum Clericus mortaliter peccauerit; & an Princeps sacerdotalis tri-
ticum confiscatum restituere teneatur.

SUMMARIUM.

- 2 Clericus, contra legem ciuilem merces contrahendo, videtur non peccasse.
- 3 Lex extractionem prohibens, est pœnalis.
- 4 Personas Ecclesiasticas obligare non posse.
- 5 Princeps Laicus, nullam habet potestatem in Clericos.
- 6 Si Lex lata est verbis præceptiis, Clericus mortaliter peccauit.
- 7 Clerici, ab omnibus legibus ciuilibus excepti non sunt.
- 8 Legibus eorum statui non repugnantibus ligantur, sicut Laici.
- 9 Absurda quæ alias sequerentur.
- 12 Si lex lata est verbis indifferentibus, Clericus non peccauit.
- 13 Clericus absolute peccauit mortaliter.
- 14 Peccauit contra iustitiam.
- 15 Lex ciuili declarat naturalem, ac diuinam.
- 16 Quomodo Personæ Ecclesiastice à Laica iurisdictione sint immunes.
- 17 Quomodo triticum confiscari Clerico potuerit.
- 18 Clerici quibus legibus ciuilibus diligenter.
- 19 Et quibus Religiosis.
- 20 Hi Legibus Episcopali bus non ligantur,

RATIONES DUBITANDI.

- 2 Icut Lex habet limitationem respectu loci, ita illam habet respectu perso-
R. P. Beati Lib. II.

narum, ad quas dirigitur; sicut enim regulariter respicit solum locum subiectum, ita solum ad personas subditas se extendit. Dubium tamen est; an Lex Civilis ad Personas etiam Ecclesiasticas dirigi possit, easque obligare. Videtur enim nunquam dirigi posse, & consequenter Clericum triticum extrahendo, mortaliter non peccasse. *Nau. conf. 3. de const. concl. 3. cui consentire videtur Bonac. d. 1. quest. 1. p. 6. num. 33. Salas de legib. d. 14. sect. 10. num. 102. Suar. lib. 3. c. 34.*

Primò; Quia Lex ista mercibus pretium, sub mercium amissione præscribens, est Lex pœnalis; Lex autem pœnalis, verbis non præceptiis, sed indifferentibus lata, non obligat in conscientia ad actum cui pena imponitur, sed solum ad ipsam pœnam; ut infra patebit *Quæst. 14.*

Secundò; Quia, etiam si Lex ista, 4 verbis præceptiis, lata esset, & in conscientia obligaret, non tamen obligaret Personas Ecclesiasticas; procedit enim à potestate ciuili, quæ nullam habet potestatem personis Ecclesiasticis imperandi; ut expreſſè dicitur: *in cap. Ecclesia S. Mariae de constit. c. Saculares, de foro compet. in 6. & alibi;* sine potestate autem imperandi, obligatio obediendi esse non potest. Ergo Clericus, cum sit persona Ecclesiastica, nullam habebat obligationem legi illi ciuili obediendi, ideoque illam transgrediendo, mortaliter non peccauit.

G

Tertio;

5 Tertiò; Quia Principes Laici nullam habent potestatem Clericos puniendi, si eorum Leges transgrediantur. Ergo si gnum est, non habere potestatem directiua illos suis legibus obligandi; potestas enim directiua, semper cum coercitiua est coniuncta. Ergo, si Clerici non subiaceant eorum potestati coercitiua, nec subiaceant directiua; ideoque Clericus, Principis legem non seruando, mortaliter non peccauit.

RESOLVTIO I.

6 R Esondetur primò; si Lex præscribens mercibus pretium, pena transgressoribus apposita, fuit à Principe lata verbis præceptiuis, Clericum mortaliter contra illam peccasse. *Suar. lib. 3. de legib. cap. 34. num. 6. Vasq. 1. 2. dis. 167. cap. 4. Salas disp. 14. secl. 8. num. 94. Azor. p. 1. lib. 5. cap. 12. Molina tr. 2. d. 31. conc. 6. Valent. tom. 4. d. 9. quæst. 5. p. 4. Laym. lib. 1. tract. 4. cap. 13. Clavis reg. lib. 3. c. 4. num. 16. Nau. cap. 23. num. 88. & alii ferè omnes communiter.*

7 Primò; Quia Clerici, quo ad vim directiua, non sunt exempti à legibus ciuilibus, quæ Clericorum statui non repugnant, & tam Clericis, quam Laicis sunt communes, ac ad commune Reipublicæ bonum ordinantur; Clerici enim nullo iure, neque diuino, neque humano, à politica Reipublicæ gubernatione sunt exempti. Nam ex iure diuino potius constat, ipsos non esse exemptos; dicitur enim *Rom. 13.* vniuersaliter: *omnis anima potestibus sublimioribus subdita est;* quæ verba *S. Chrysost. hom. 23.* etiam ad Clericos exten-dit; etiam si *Apostolus sis,* ait, *Euange-*

listæ, Propheta; neque enim pietatem subuertit ista subiectio. Neque Christus suas leges induxit, vt politicas euertat, sed vt melius instituat; Ex iure verò Canonicō, constat similiter, harum legum obseruantiam præcipi, non improbari. Cum ergo Clerici ab huiusmodi legibus non sint exempti, consequenter eas seruare tenentur; ideoque Clericus, eam transgrediendo mortaliter peccauit, quia materia erat grauis.

Secundo; Quia Clerici, legibus com- munibus, eorumque statui non repugnantibus non minus directè, ac per se obligantur, quam Laici; cum enim non minus Ciues sint, ac partes Reipublicæ Civilis, quam Laici Gubernatori politico debent esse subiecti, qui propterea eas illis leges imponere poterit, quæ & eorum statui, & Reipublicæ conuenientes sint. Sicut ergo Laici, si huiusmodi leges transgredieruntur, mortaliter peccarent, ita mortaliter peccabunt Clerici, eas transgredientes.

Tertiò; Quia, si Leges ciuiles, tritico, alijsque mercibus pretia imponentes, Perlonas Ecclesiasticas directè, ac per se non ligarent; Ecclesiastici sine vllà iniustiâ, ac obligatione restituendi, vendere possent vltra pretium taxatum; illa enim taxa eos non ligaret; Si ergo, seclusa taxâ, vendere poterant vltra pretium taxatum, vendere eodem modo posse- sent etiam stante taxâ; taxâ enim esset solum pro tritico, & oleo Laicorum, non verò Ecclesiasticorum. Neque dici potest; positâ taxâ, vel à lege vel à consuetudine, vel à naturâ, iam triticum vltra illam non valere, quia vltra illam asti- mari non potest. Nam hoc est verum solum



solum, quando pro omni tritico, omnibusque personis taxa est imposta; tunc enim omnes eodem modo estimant merces; At quando taxa pro aliquatum solum personarum mercibus est imposta, & non aliarum, tunc huiusmodi merces valorem habent, perinde ac, si nulla taxæ esset imposta, sed si nulla taxa esset imposta, posset triticum vendi ultra taxam; Ergo Clerici iuste vendere possent triticum ultra taxam.

10. Quarto; Quia, si Clerici direcè ac per se legibus ciuilibus, eorum statui non repugnantibus, non obligarentur, non tenerentur seruare leges formam contractibus præscribentes; huiusmodi enim leges à Principe Laico feruntur; vnde possent validè contractus celebrare, etiam non seruata formæ ad valorem à Principe per leges requisitæ; Princeps enim potestatem non haberet eorum actus irritandi, cum irritatio proueniat à potestate Superiori, & efficacior iurisdictione ad irritationem requiratur, quam ad simplicem obligacionem. Si ergo duo Clerici contractum aliquem inter se celebrarent contra formam à Principe præscriptam, validus esset talis contractus, quia à Principe, vtpotè iurisdictionem in illos non habente, irritari non posset. Hoc autem Reipublicæ pacem perturbaret, essetque bono communi maximè nocuum, & est expressè contra cap. Innotuit: de Arbitris.

11. Quinto; Quia, si leges Ciuiiles Clericorum statui non repugnantes, illos non comprehendenter, neque leges testamentis formam præscribentes, se extenderent ad testamenta Clericorum, id eoque possent Clerici, legum formæ non seruata, validè instituere hæredes alios

Clericos, vel etiam Laicos, sicut Ciuis aliquis Neapolitanus per testamentum conditum Romæ, etiam non seruata formæ, quæ Neapolitani per leges præscribitur, validè instituere potest hæredem Neapolitani existentem; sicut enim testamentum Romæ factum, contra leges Neapolitanas, est validum, quia Roma legibus Neapolitanis non subiacet; ita testamentum contra easdem leges factum à Clerico esset validum, quia etiam Clericus eisdem legibus non est subiectus; Consequens autem est contra omnem rationem, consuetudinem, ac proxim, vt per se patet; ex eoqne plurima, ac maximam Republica sequerentur inconuenientia. Cum ergo etiam Clerici, legibus ciuilibus, bono communi, & eorum statui conuenientibus, sint subiecti, dicendum est, Clericum, legem pretia mercibus taxantem violando, mortaliter peccasse, si verbis præceptiis lata fuit.

RESOLVTIO II.

R Esondetur secundò, Si Lex fuit à 12 Principe lata verbis indifferentibus, Clericum, pretii taxam violando, non peccasse contra legem. Quia lex tunc fuit purè pœnalis, lex antem purè pœnalis non obligat in conscientia; Ergo sicut non peccasset Laicus illam violando, ita neque peccauit Clericus.

RESOLVTIO III.

R Esondetur tamen tertio; Clericum 13 absoluè, mortaliter peccasse, quomodocumque tandem lex fuerit à Principe lata. Molina Salas locis cit. Clavis Reg. l.c. num. 17. Suar. l. c. num. 9.

G 2

Castrrop.

*Castrrop. tr. 3. d. 1. p. 24. num. 6. Bonac.
d. 1. quæst. p. 6. nu. 31. & alij communiter.*

14 Primò ; Quia Clericus lege naturali iustitiae tenebatur, triticum vendere pretio, quod communiter estimabatur iustum ; vendendo autem ultra taxam, non vendidit pretio, quod communiter estimabatur iustum ; pretium enim iustum est, quod per legem decernitur, & taxatur ; sed vendidit ultra pretium à lege taxatum ; ergo vendidit supra pretium iustum ; ideoque peccauit, non quidem contra legem, sed contra iustitiam, & tenetur ad restitutionem excessus.

15 Secundò ; Quia lex ciuilis, pretium rebus præscribens, prohibensque, ne ultra illud res vendantur, quamuis nouam, obligationem non induceret, declarando tamen quodnam sit pretium iustum, saltē declaratē, quæ lege diuinā, ac naturali, est imposita, non vendendi res ultra pretium iustum, eamque determinat ad non vendendum triticum ultra pretium ab ipsa taxatum, eò quod illud sit iustum ; Sicut lex vectigalium, determinando modum, quò Subditi concurrere debent ad Principis sustentationem, non inducit nouam obligationem, sed determinat illam, qnam Subditi iure naturali habent, ad Principis sustentationem concurrendi, vt obliget ad concurrendum per solutionem vectigalium : Cum ergo Clerici, à lege naturali, & diuinā non sint exempti, merces ultra pretium à lege taxatum tenentur non vendere, & si vendant, mortaliter peccant, & tenentur ad restitutionem excessus.

16 Neque obstat, quod personæ Ecclesia-

sticæ dicantur à Laicorum iurisdictione exemptæ, ac immunes ; Nam primò hoc intelligi debet quod ad vim directiū in rebus spiritualibus, & quæ ad eos immunitatem spectant. Secundò, quo ad vim coactiūam, sive punitiūam ; Quamvis enim, per se loquendo, potestas præcipiendi, sit coniuncta cum potestate puniendi ; ex priuilegio tamen possunt ab inuicem separari ; atque ita de facto in Principe laico separatae sunt ; Hic enim, Clericos, leges Ciuiiles, ac politicas transgredientes, ex priuilegio, & exemptione illis à Christo, vel Summis Pontificibus concessā, punire non potest, sed relinquere debet Iudici Ecclesiastico puniendos, qui illos prolibito punire poterit, vel pœnam moderari, prout magis expedire iudicauerit.

RESOLVTIO IV.

REspondet quartò ; Sitritici amissio 17 sequebatur de plano, nec ad hoc ultra cognitio causæ præquirebatur ; Principis ministros licet triticum Clerico auferre potuisse ; Quia hoc non tam factum est in pœnam legis violatæ, quam in reparationem damni illati, & ne Clericus, legis violationem prosequatur. Princeps tamen Clerico rei sublatæ valorem restituere tenetur, detractis damnis ; nisi à Iudice Ecclesiastico ad illius amissionem condemnetur ; Clericus enim à potestate Ciuiili, quo ad tribunalia, ac iudicia, est omnino immunis, vt constat ex cap. 2. de foro compet. c. Clerici. c. At si Clerici, de iudicatis, & alijs pluribus Salas d. 14. sett. 9. num. 107

COROL.



COROLLARIA.

18 C Olligitur ex dictis primò ; Clericos directè , ac per se teneri seruare leges , quæ prohibent , arma noctu deferri , & merces , aut aliud simile ex Ciniitate extrahi ; quæ rebus vendendis pretia præscribunt ; aut contractibus formam imponunt ; & alias similes ; Hæ enim statui Ecclesiastico , ac Clericorum libertati non repugnant , & aliunde , ad commune Reipublicæ bonum maxime conducunt , quod Clerici æquè , ac laici procurare tenentur , cum non minus Clerici sint pars Reipublicæ , quam laici . Cum autem personæ Ecclesiasticæ à laicorum iurisdictione dicuntur immunes , intelligi debet quoad vim coactuam , & quoad directuam in rebus spiritualibus , & in ijs , quæ eorum immunitatem respiciunt .

19 Secundò ; Etiam Religiosos eisdem legibus teneri , sicut tenentur Clerici . Ipsi enim etiam tenentur in contractibus seruare formam , ac solemnitatem à lege Ciuiili præscriptam ; merces , aut alias res à Ciuitate non extrahere , quando hoc propter bonum commune prohibetur ; & alia similia ; Nam ipsi etiam , ut partes Reipublicæ , eius bonum procurare tenentur . Obligari tamen non possunt

ad peccatum , sicut non possunt Clerici , quia , quo ad hoc , non sunt minus exempti , quam Clerici .

Tertiò ; Religiosos exemptos , nullà ratione teneri Constitutiones , ac præcepta Episcopalia seruare , exceptis casibus à iure expressis ; Cum enim ab Episcopi iurisdictione sint exempti , eius legibus non subiiciuntur , atque ita habetur cap. 1. de priuileg. in 6. & in Tridentino sess. 25.c. 12. de Regularibus ; vbi solum eis præcipitur , obedire in festorum obseruatione , in interdicto , & in cessatione à Diuinis : In alijs verò prorsus eximuntur ; Et iure ; Cum enim proprijs obligationibus , statui Religioso annexis , arctentur , alias sustinere cogendi non sunt . Vnde , sicut Nouitij , leges , ac præcepta Professis imposita , seruare non tenentur , quia , cum in eodem statu cum Professis non sint , eis etiam non tenentur se conformare ; ita Religiosi , neque Sæcularibus in eorum obseruantiss , neque Clericis in ordine ad præcepta Episcopalia , se conformare tenentur , quia non sunt in eodem statu cum ipsis , & proprias habent obseruantias , quibus sufficierent arctantur . Suar. lib. 5.

de legib. c. 20.

in fine.

